

# KA HURI TE PIRE HEI TURE



Ka tīmata mai ngā ture hou hei pepa e kīia ana he pire. Ko te pire he tuhinga hukihuki o ngā ture hou ka whakatakina.

## TE WHAKATAKINGA

Ka whakatakina te pire ki te Pāremata. Ka whai wā ngā MP ki te pānui me te kōrero i te whakaaro nei hei ture hou.

## PĀNUITANGA TUATAHI

Ka tohe, ka pōti ngā mema i te whakaaro matua o te pire. Me nui ake i te haurua o ngā pōti tautoko e koke ai ki te kauneketanga ka whai ake.

## KOMITI WHIRIWHIRI TAKE

I te nuinga o te wā mā te komiti whiriwhiri e āta mātai tētahi pire, ā, ka āhei hoki rātou ki te rongu kōrero i te marea. Ka wātea te katoa ki te tuku i ā rātou kōrero mō tētahi pire i tēnei wāhanga.

## PĀNUITANGA TUARUA

Ka tohe ngā mema i te pūrongo a te komiti whiriwhiri e tūtohu ana pea i ētahi panonitanga.

## KOMITI O TE WHARE KATOA

Kāore e pērā rawa te ōkawa o tēnei tohe, ka mutu, kāore te Māngai e noho ki tōna tūru. Ka pōti ngā MP i ia wāhanga o te pire, ka whakaae haere hoki ki ngā panonitanga e hiahiatia ana kia whakaurua mai.

## PĀNUITANGA TUATORU

Koinei te wā whakamutunga mā ngā MP ki te tohe i te pire, ā, i te nuinga o te wā he whakarāpopototanga o te pire i tōna hanga whakamutunga.

## WHAKAATANGA A TE KINGI

Ka waitohungia tētahi pire e te Kīngi, e te māngai rānei o te Kīngi i Aotearoa, arā, ko te Kāwana-Tianara.

